

**TALKING POINT
SEMPENA
PERJUMPAAN MINGGUAN BERSAMA
PENGURUSAN TERTINGGI UNIVERSITI
21 NOVEMBER 2018
DI KOMPLEKS SUKAN SYED SIRAJUDDIN AREEB PUTRA, PAUH PUTRA**

Assalamualaikum Warahmatullahi Wabarakatuh

Salam Sejahtera

Salam Ilmu, Keikhlasan, Kecemerlangan UniMAP

SALUTASI

Rakan-rakan saya, Timbalan - timbalan Naib Canselor UniMAP

Yang Berusaha Pegawai -Pegawai Utama Universiti

Dekan-dekan dan Ketua-ketua Jabatan,

Seterusnya staf Universiti Malaysia Perlis yang saya kasihi sekalian.

KATA ALU-ALUAN

1. Alhamdulillah, bersyukur kerana kita masih lagi diberi peluang oleh Allah Aza Wajalla untuk berkumpul di pagi yang berbahagia ini dalam Program Perjumpaan Mingguan Bersama Pengurusan Tertinggi Universiti.
2. Setinggi-tinggi terima kasih diucapkan kepada semua yang hadir pada pagi ini, saya berharap agar pada pagi yang indah lagi permai ini, semua warga UniMAP sihat, cergas dan cerdas dalam menjalankan tugas masing-masing.

Hadirin hadirat sekalian,

PROGRAM YANG TELAH BERLANGSUNG

Warga UniMAP yang saya kasihi,

FOREIGN LANGUAGE FESTIVAL 2018

3. Minggu lalu, kita telah menganjurkan beberapa program yang memberi impak yang besar kepada UniMAP. Antaranya Foreign Language Festival anjuran Pusat Bahasa Antarabangsa.
4. Tahniah diucapkan kepada semua Jawatankuasa yang telah bertungkus lumus dalam memastikan program ini berjalan dengan lancar. Semoga program seperti ini akan dapat diteruskan di masa akan datang.

PROGRAM GIG ECONOMY@UniMAP 2018

5. Satu lagi program besar yang berlangsung minggu lalu adalah GIG Economy@UniMAP 2018. Setinggi-tinggi tahniah diucapkan kepada pihak sekretariat yang diketuai Pusat Kerjasama Industri dan Agensi Kerajaan (CIGC) UniMAP atas komitmen yang diberikan sehingga majlis tersebut berjalan dengan lancar.
6. Saya difahamkan Kementerian Pendidikan Malaysia telah memberikan 'seed money' berjumlah 50 ribu ringgit bagi menggerakkan projek GIG ekonomi peringkat UniMAP. Jumlah ini telah pun diagihkan dalam bentuk geran khas Gig Economy kepada beberapa pensyarah UniMAP Dr Ummi Naiemah Saraih, Dr Nor'izah Ahmad, dan pasukan kerja masing-masing bagi tujuan kajian pemasaran, promosi dan publisiti.
7. Selain itu, sejumlah wang juga diberikan kepada Dr Salina Mohd Asi dan pasukannya untuk pembangunan laman web dan aplikasi telefon pintar.
8. Sementara itu sebanyak 20 ribu ringgit turut diberikan kepada CIGC UniMAP bagi menyelaras Program GIG Economy ini, yang melibatkan lebih 1000 orang pelajar.
9. Lebih meriah lagi, Raja Muda Perlis, Duli Yang Teramat Mulia Tuanku Syed Faizuddin Putra Ibni Tuanku Syed Sirajuddin Jamalullail, Canselor UniMAP

dan Raja Puan Muda Perlis, Duli Yang Teramat Mulia Tuanku Hajah Lailatul Shahreen Akashah Khalil; Pro-Canselor UniMAP turut bercemar duli berangkat hadir pada majlis ini.

Hadirin hadirat sekalian,

MAJLIS SANTAPAN MALAM REGIMENTAL KE-11

PALAPES UniMAP

10. Pada Jumaat lalu, telah berlangsung Majlis Santapan Malam Regimental Ke-11 PALAPES UniMAP di Mes Pegawai Kanan Polis. Penganjuran Majlis Santapan ini bagi meraikan 116 pegawai kadet PALAPES UniMAP yang telah ditauliahkan sebagai Pegawai Muda dalam Rejimen Askar Wataniah di USM Ogos lalu.
11. Setinggi-tinggi tahniah diucapkan kepada semua jawatankuasa yang terlibat. Saya berharap agar semua Pegawai Muda yang telah ditauliahkan akan menjadi insan yang berguna untuk Agama, Bangsa dan Negara, InsyaAllah.

Hadirin dan hadirat sekalian

PENUTUP

12. Saya rasa cukup sahaja sampai di sini ini. Semoga perkongsian pada hari ini memberikan manfaat kepada kita semua.

Sekian, Wabillahitaufik Walhidayah Wassalamualaikum Warahmatullahi Taala Wabarakatuh.